

中國方志叢書·華中地方·第七六號


據

清·鄧鍾玉等纂修
清·光緒二十年修
民國二十三年鉛字重印本

影印

浙江省

金華縣志



成文出版社有限公司印行



中華民國五十九年七月壹一版

金華縣志

全四冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市羅斯福路三段279之二號

電話：三七〇一三二號

印刷者：東南印製廠有限公司

和平西路二段70巷83弄29號

內政部登記證內版台業字第一一四七號

炎 夬 綰 金
夬 歸 土 也
十 卯 齊

中華全國總工會
金盾獎章

重印金華縣志序

蓋聞縣之有志猶國之有史也凡一邑之山川疆域土田戶口與夫政治之得失風俗之淳漓人才之盛衰物產之盈耗胥於志乎是徵此固稽古者所必需亦采風問俗者所攸賴也前歲秋予捧檄蒞事金華車甫下卽搜求縣志倉卒不可得輾轉得之搢紳者之家搢紳爲余言縣志自前清道光間重修以後閱時幾百年至光緒中葉邑令某公始延聘蘭谿鄧子珣孝廉與邑中人士從事纂輯而一誤於意見之參差再沮於經費之艱困事遂中輟束稿於孝廉家者又二十餘年民國之四載吳縣錢友夔明府來知縣事乃斥貲購付鉛板然僅印二百數十部

故不久卽散佚垂盡也予聞之瞿然曰有是哉起墜振廢責在吾輩失今不圖將無及矣乃謀諸震東石印局主人竹溪金君重付鉛印余先貸其貲三之一其三之二金君任之再發書券廣勸同僚士庶預約來購應者三百餘部始事於癸酉十月今年五月告成書中一仍其舊第增入五區鄉鎮分圖五幀而已惟余略覽是書並取舊志相校其間多所出入而各有所見然志水利白蓮塘戚志在東一偶新志今未詳予曾過其地見塘址宛然特久涸而犁爲麥地耳赤松宮前爲赤松橋而以規漆橋輒橋當之按兩橋皆在上游輒橋早圯於水諸如此類皆未及攷正志人物則政事文苑各子目增者寥寥揆諸善善從長

之義亦未免失之太苛豈作者之於是書當日尙有未成者耶
夫金華素稱小鄒魯意必有博學潛修之士不忍鄉邦之文獻
日就凌夷而博采旁搜私相撰述者矣倘以是志爲椎輪闕者
補之誤者正之他日薈成巨帙與武功高陵朝邑諸志相頡頏
又何難哉此又爲予重印此書之微意也民國二十三年五月
上浣金華縣縣長青田朱浣青撰

子系今 鼎示 月

一
一
一

序

金華據東浙上游咸同之際中更板蕩志乘亟需續修然守缺抱殘往往格於成議今秋省局修輯通志徵集各屬縣志爲全書資料是時道光舊志翻印甫成卽寄一編以供采錄惟道光三年以後各種事實尙付闕如非全璧也嗣訪得光緒二十年續修志稿若干卷遂爲披覽覺旁徵博引事實視前志加詳體例標目與前志頗多出入當日襄事諸賢意見互歧商確未定志稿全帙遂束置總纂鄧子均孝廉家歲月遷流人事代謝纂修襄校諸賢太半作古賡颺繼續寂焉無聞嗟乎成事之難若此其甚毋乃斯文之厄耶今者閱時較遠相需正殷舍此稿本

別圖纂述非惟所聞所見未逮前人卽籌款設局財力日艱累
月窮年功豈易竟爰商諸士紳向總纂後人商取稿本分任校
讎隨時繕錄排印竟前人未竟之功省志甄錄既有取才此邦
文獻聿徵美備一舉兩得斯之謂矣抑余更有說焉呂何王許
俎豆千秋列傳詳載其事居稽之士景仰前徽束身名教俾人
心風俗日進敦龐相是役者其欣幸曷有旣歟

中華民國四年十二月金華縣知事吳縣錢人龍撰并書

光緒金華縣志總目

卷首

敘 金華縣全圖 金華縣各區分圖 凡例 纂修姓氏

卷一

地理志第一 子目二

疆域 附 道理 沿革表

卷二

志地理第一 子目一

山川

卷三

志地理第一 子目三

水利 湖塘堰 井橋渡 形勝 鄉里表 附 市鎮

卷四

志建置第二 子目六

城池 衙署 學宮 書院 坊表 宅墓

卷五

志建置第二 二 子目二

寺觀 古蹟

卷六

志人物第三 一 子目一

科目表

學校薦舉任蔭掾史援納仕結封贈武宦武陰恩賜

卷七

志人物第三 二 子目一

官師表

官績附

卷八

志人物第三 三 子目二

理學 卓行

卷九

志人物第三 四 子目五

忠烈 政事 文苑 隱逸 藝術

卷十

志人物第三 五 子目一

列女

卷十一

志人物第三 六 子目二

流寓 方外

卷十二

志食貨第四 子目六

田土 戶口 附 力役 賦稅 附 土貢 鹽法 蠲恤 附 恤政 物產

卷十三

志典禮第五 子目三

壇廟祠 鄉飲酒禮 講約

卷十四

志武備第六 子目二

兵制 兵燹

卷十五

志藝文第七 子目二

書籍 部四 金石

卷十六

志類要第八 子目五

氣候昏旦更點中星表 五行 遺事 方言 風俗

光緒金華縣志凡例

一志剏自前明戚氏雄續修者胡氏頌入

國朝則王氏世功王氏治國趙氏泰姓黃氏金聲增輯漸廣自道光癸未迄今七十餘年中更浩劫志版無存書亦僅見此文獻絕續之交也若不及時纂修他日攷人物之臧嘉山川之阨塞風俗之淳漓賦役之繇簡懸金國門欲購其書而不可得非守土者之責亦邑人士之惡矣今鉤鈇叢殘纂成是志而大旨不越補正二義匡之糾之則俟後之君子

一地志古謂之圖經宋張津修四明志謂輿地有圖古今共由前志亦云地形相錯非圖不明則圖學綦要矣晉之裴秀唐之賈耽元之朱思本皆精圖學者今中西新法開方計里量測兼施求之三角八綫而加以經緯度視古尤勝茲遵是法細加測量繪成各圖凡山川道里城市井疆裨閱者瞭然在目

一地以發名邑志當首列星野然斗牛女爲吳越分至隋始以女宿轉指吾郡異論紛如今推步家所弗尙張氏梅篴隨筆謂地志列星野不如列本地經緯度以求氣候中星爲有據斯言得其要矣茲本是旨以金華北極出地二十九度

十分偏東三度二十一分復以黃赤大距二十三度二十七分衍成氣候昏旦更點中星表庶人人得以窺中星辨時刻而不爲分野之說所惑矣

一郡邑沿革用表此例肇自四明寶慶續志道光志亦列表而譌誤迭見識者病之今補其闕正其失一以史志爲斷又舊表統部不列總督及巡道意謂是二者非守土專轄不知浙閩分疆設督部則爲兼圻嚴州舊隸浙西設巡道則屬浙東是故四郊之佩離由於州縣之并轄爲沿爲革尤攷輿地者所樂道焉

一山水二道前志仿益書體例附支於幹條理井然可謂方志中傑出之作茲仍其舊以完匡廬眞面間有訂正數處皆親攜儀器得諸實測不敢率爾操觚

一志書最重體例前志於門目分併亦似斟酌而出然如田賦命名不足隳樞戶口徭役鹽法諸目又如物產入疆域倉廩入建置義均未安今立食貨總目而戶口徭役鹽法倉廩以次及從史例也

一道光志不載武備是爲闕典夫兵所以衛城池弭寇盜杜患於未萌其可書闕有間乎今立武備一門唐宋則考之史書元明則本之臧志

國朝則謹遵中樞政考及會典通考參之營冊凡營汛員弁兵額兵仗次第臚陳而

以歷代兵燹次之

一前志官師元始立表元以前則否今概列表以歸一律至歷官題名前志失載今補者八十人籍貫與出身前志未詳今攷定者五十人道光四年以後續增者一百五人得二百三十五人而宦績亦類有增輯焉惟地經兵燹案卷蕩然今得之故籍及各省通志父老傳聞者究屬寥寥勢絀力綿惟冀後賢匡其不逮

一唐宋元選舉道光志最爲疏舛如張志和登明經科志列之辟薦是以諸科爲

制科矣潘良貴以政和三年

按徽宗本紀賜上舍生第在政和三年

上舍釋褐爲辟雍博士

見宋史本傳

於五年復登進士第

南宋館閣錄潘良貴何榘榜進士及第按五年榜首爲何榘則良貴得第非莫儔榜

表列入二年莫儔榜

不特科分舛錯且以舍選爲禮部試矣陳巖肖以紹興八年登博學宏詞科賜

同進士出身

見南宋館閣錄按博學宏詞科始於紹興五年見宋史及玉海

表列九年黃公度榜

按宋高宗本紀賜黃公度及第在八年

年戊午不在九年己未且陳巖肖亦非禮部正奏名進士

注云中宏詞科

按宋史及玉海宏詞科始於紹興二年至政和元年改爲詞學兼茂科至紹興五年又改

爲博學宏詞科科目年分大不同

刪去博學二字則科目混淆屬入黃公度榜則以詞科之賜同

進士誤作廷試之賜同進士矣有元進士最不易得如大德十一年未嘗開科